

განათლებისა და კულტურის განყოფილების 2015 წლის პროგრამები

1. კლასიკური მუსიკის ბათუმის საერთაშორისო ფესტივალი

კლასიკური მუსიკის ვარსკლავების მონაწილეობით, 4 დღის განმავლობაში ჩატარდა კონცერტები. ფესტივალის ფარგლებში მოწვეულ იქნა 60-მდე ქართველი და უცხოელი კლასიკური მუსიკის შემსრულებელი, რომელთა მიერ შესრულდა ცნობილი და პოპულარული ნაწარმოებები.

2. ქალაქური მუსიკის ფესტივალი

ფესტივალში მონაწილეობას მიიღო 50-მდე ქალაქური მუსიკის შემსრულებელმა. ფესტივალი გაიმართა 2 დღის განმავლობაში. შესრულდა, როგორც ცნობილი, ასევე დამწყები კომპოზიტორების ნაწარმოებები.

3. საავტორო კინოს ბათუმის X საერთაშორისო ფესტივალი

განხორციელდა საავტორო ფილმების ბათუმის X საერთაშორისო კინო-ფესტივალის გახსნისა და დახურვის ცერემონიალის ორგანიზება. გაიმართა კინოჩვენებები, მოწვეულ იქნა 50-მდე ცნობილი კინო-რეჟისორი და კრიტიკოსი. მოეწყო ცნობილ რეჟისორთა მასტერკლასები.

4. ფოლკლორული და სასულიერო მუსიკის ბათუმის X საერთაშორისო ფესტივალი

მოეწყო ქართველი და უცხოელი შემსრულებლების კონცერტები, სადაც გაჟღერდა ამ ქვეყნების ავთენტური ფოლკლორული მუსიკა. გაიმართა სამეცნიერო კონფერენცია ფოლკლორული და სასულიერო მუსიკის შენარჩუნება-განვითარებაზე.

5. ბათუმის ანიმაციური ფილმების მე-7 საერთაშორისო ფესტივალის არასაკონკურსო პროგრამა

პროგრამის ფარგლებში განხორციელდა ბავშვებისა და მოზარდებისათვის გასართობი და შემეცნებითი ხასიათის კინოჩვენებები, მოეწყო ახალგაზრდა ანიმატორების ფილმებისა და ანიმაციის ფილმწარმოების ინტერაქტიული პრეზენტაციები

6. საერთაშორისო სარეკლამო ფესტივალი

ფესტივალში მონაწილეობა მიიღო 50-მდე კომპანიამ 20-მდე ქვეყნიდან. ძირითად სამიზნე ჯგუფებს წარმოადგენენ რეკლამაში, მარკეტინგში, საზოგადოებასთან ურთიერთობაში მოღვაწე ადამიანები. ასევე, ბიზნესმენები, მეწარმეები და სახელმწიფო სტრუქტურებში ჩართული სპეციალისტები, რომელთათვისაც მნიშვნელოვანია ცოდნის გაღრმავება მარკეტინგული კომუნიკაციების სფეროში.